

SLUŽBA ZA ZAPOŠLJAVANJE ZDK PRIMILA IZASLANSTVO UNIVERZITETA U ZENICI

U ponedjeljak, 18. 1. 2016. godine, direktor/ravnatelj Službe za zapošljavanje ZDK, Marinko Kelavić, sa svojim suradnicima, primio je izaslanstvo Univerziteta u Zenici. Uz prof. dr. sc. Malika Čabaravdića, prorektora za međunarodnu suradnju i osiguranje kvaliteta sastanku su nazočili i prof. dr. sc. Fuad Hadžikadunić, dekan Mašinskog fakulteta te R. prof. dr. sc. Darko Petković, direktor Centra za inovativnost i preduzetništvo (CIP) UNZE.

Na sastanku se razgovaralo o aktualnim problemima neusklađenosti obrazovne politike sa potrebama tržišta rada, statističkim pokazateljima neuposlenih u ZDK sa VSS-om, međunarodnoj razmjeni studenata i bitnosti cjeloživotnog učenja. Svi sudionici sastanka su istakli spremnost da ova suradnja treba biti još aktivnija, a glede toga, već se konkretizirala i ideja partnerskih odnosa na nekim od budućih zajedničkih projekata koji bi trebali imati za cilj smanjenje neuposlenosti i boljeg obrazovanja u našem Kantonu.

